

OTOITZAK

MENDIYAN

(Azkeneko indar-neurtzeetan aldeera irabazia.)

*Chori chikiyen kantak;
esnaturikan goiz,
jeiki nitzan oyetik
eizerako sazoiz;
beranduago ere
joan izan naiz iñoiz,
bañan gogo geyago?
ezdakit bada noiz.*

*Nere chakur Kanelo
ondotik nubela,
zaunkaz bide danian
ari zendubela;
igo nitzan mendira
chori bat bezela
zelai eta soruak
chit alai zaudela.*

*Oso arreta aundiz
pozkiro begira,
zagasti zabaleta
ta lore tokira;
eguzkiya azaldu
zalarik lurbira,
ala irichi nitzan
goiz artan mendira,*

*Gaur'e goguan dauzkat
orduko pausuak,
eisa topatu nairik
an emandakuak;
eta nola ekarri
nituben sōsuak,
eran arrapatuta
tiros ildakuak.*

*Echera netorrela
menditikan bera,
ill nituben sōsuak
erakutzitzera;
seme ta alabari
poza ematera,
jgurutze bat azaldu
zitzaidan aurrera!*

*Jakin nairik gurutze
arren gora bera,
joan nitzan baserrira
galde egitera;
ta azaldu zitzairan
aiton bat atera
borondate aundiyan
adiyazitzera.*

Emen guda bukatu
eta ondorian
jende asko ikusten
genduben eisian;
igande ta astegun
egualdi onian,
tiro otsa bezterik
etzan ez danian.

Goiz batian zabaldu
zan auso danian,
artzai illa topatu
zutela bidian;
odola zariyola
sasi baztarrian
eisai tira ta jua
bai uste gabian.

Penakin eiztariya
andik laizter iltzan,
baserritarrak asko
maita zutena zan;
ezautzen etzubenik
mendiyen bat etzan,
iñoiz ere nerekin
emenegotentzan.

Gurutzia jarriya
dago ordutikan,
ta artzayak etortzen
zaizka geroztikan;
otoitzak egitera
chit penaturikan,
Jaungoikoari zerbait
eskatu nairikan.

Malkoaz buztirikan
nauzkala begiyak,
ta alkarri eskubak
emanikan biyak;
ikusten nitubela
goitikan argiyak,
ala igaro nitun
orduan mendiyak.

Azturikan bizi naiz
gaur gure mendiyak,
eskopeta ta chakur
eta eiztariyak;
bildurra zarturikan
gurutze aundiyak,
aiton arren ezanak
izanik egiyak

Gaur ordoyaz beterik
dago eskopeta,
artutzen ezdetala
bada eskubeta;
Kanelo bigaldurik
nere osabeta,
zuburdiyan sartuta
emendik Elgeta.

Gurutziak askotan
naiz gogoratutzen,
artzai ta eiztariyak
etzaizkit astutzen;
bada orduan zaizkit
malkoak azaltzen,
eta otoitzak dizkat
Jaunari egiten.

Gurutze Santubaren
aurrian chit umill,
gaur ere jartzen zaizka
makiñabat mutill;
errezuak egiten
jende asko dabill,
esanaz: jartzai on bat
emen zituen ill!

Beste bat ni bezela
joatenba agiyan,
eizera echetikan
or egun-sentiyen;
gurutziak galdetu
zan baserriyan,
egingo dizkitzu bai
otoitzak mendiyen.